

He pikitia me ngā mokamoka hei hoa haere mō  
Ngā Tangi o Te Tāone

eardrops®

# He aha tērā tangi?



Te Puka mō Eardrop

## Haere mai! Nau mai ki Eardrops!


Whakarongo mai, ka whakatōmene tahi ai tātou i tēnei ao! Ia rā, he wā ka kite, ka rongo rānei i tētahi mea hou. Nā wai tēnei tangi? He aha te ingoa o tērā mīhini hoihoi? He taupa kore ngā haerenga e tatari ana ki a tātou. Hoake tātou!

Ka whakanui ngā pakiwaitara a Eardrops i ngā tangi me ngā reo o tō tātou ao. He mea waihanga **Ngā Tangi o Te Tāone** e poi ai tā tātou ako i ngā tangi ake o te tāone. Ka ako ngā tamariki i ngā kupu ki te whakaingoa me te whakaāhua i ia tangi. He mea waihanga hoki te raupapa o te pakiwaitara hei whakapiki i ngā pūkenga whakarongo.

Ka whakamana te Kamupene Eardrops i ngā tamariki mā ngā pakiwaitara ngahau, kounga anō hoki, 'e tūtaki ai ō rātou taringa ki te ao'. He kōrero anō i [eardrops.co.nz](http://eardrops.co.nz).

## Ko wai a Eardrop?

He tamaiti kaihōpara  
a Eardrop e hiahia ana  
ki te hōpara i te ao. Ko  
whakarongo a Eardrop  
me ūna taringa pūhou.  
Ka kata tō tamaiti, ka  
patapātai, ka ako tahi  
hoki ki a Eardrop i runga  
i Ngā Tangi o Te Tāone.



## Te Rārangi Oro mo Ngā Tangi o Te Tāone

01	Te Waiata a Eardrop	16	Matawā
02	Terēme	17	Mahi Kawhe
03	Kaipoutāpetā	18	Waka
04	Motoka	19	Topatopa
05	Taraka	20	Tokorangi
06	Taraka	21	Hama
	Uhiwhenua	22	Pūoho Kohu
07	Wakapana	23	Karoro
08	Pūoho Waka	24	Papa
	Patu Ahi	25	Tākaro
09	Hīkoi	26	Tereina
10	Whakawhitī i te Huarahi	27	Kūta
11	Hama Pūkaha	28	Taraka
12	Pahi		Kerikeri
13	Pere Paihikara		Waka
14	Puna Wai		Rererangi
15	Paratī		
			+
28	Kēmu Whakapae		

**He pai ki a koe te tākaro i tetahi kēmu ngahau?**

Whakarongo ki Ngā Tangi o Te Tāone, ka āta tīpako i ngā tangi ka rangona ki ngā āhuahanga e rārangi ake nei.

**Me tīmata  
i konei**



1



2



3



4



5



6



7



8



9



10



11



12



Mahi tika ana!  
Ka pai koe ki te whakarongo!

# Ka pēhea te mahi a ngā pakiwaitara Eardrops?

I Ngā Tangi o te Tāone, ka whakamahia tētahi whakatakoranga i hangaia mai me ētahi mātanga kia pai ai te āta whakaako i te tamaiti.

Ko te taumata reo o ngā pakiwaitara a Ngā Eardrops kei te taumata tuatahi, te taumata tuarua hoki (ko ngā taumata e hāngai ana ki ngā tamariki e ako ana ki te kōrero) me ētahi rautaki ako ngāwari (pēnei i te rerenga "Ko tā te taraka kerikeri, he keri kōhao nui.") Ka rangona motuhaketia ia tangi hei akiaki i te kaiwhakarongo ki te whakarongo tonu, nāwai, nāwai, ka piki ngā pūkenga whakarongo o te tamaiti kia pai ai tana arotahi me te aro mau roa, waihoki te ako nā wai, nō hea rānei tētahi tangi.

**E rere ana ngā mihi mōu i aro mai ki Ngā Tangi o Te Tāone. He rauemi ngahau, he rauemi whai take i hangaia mai i roto i te aroha ki ā tātou tamariki.**

## Ngā Kaimahi

**Ngā reo kiripuaki / Eardrop:** Naomi Toilalo **Te Kaipoutāpeto:** Matu Ngaropo **Kaipānui:** Casey Kaa

**Kaihanga Eardrops, Kaiwhakaputa:** Liz Donnelly **Kaitohu:** Casey Kaa **Kaihanga Oro:** Phill Woollams

**Ngā whakamāori:** Hania Douglas, Juneea Silbery **Kaihoahoa Pikitia:** Polly Joseph

**Ngā Mahi Toi:** Brent Chambers **Kaihanga Pūoro:** Tom O'Carroll **Ringatohu Oro:** Roger Green

---

**E mihi ana ki a Tim Pritchard, Kaye me Alan Donnelly, Hineani Melbourne, Cam Swainson-Whaanga, Rachel Daniels, me te whānau o Lizzy, me ūna hoa hoki. Tēnā koutou i tautoko mai.**

**He mea whakaputa te pakiwaitara nei nā te pūtea tautoko o te Karahipi AMP. Tēnā rawa atu koutou, AMP!**

---

Me mihi hoki ki ngā whānau katoa e tautoko ana i te kaupapa o Eardrops, me ngā ūmanga iti o Aotearoa.

## **He rauemi a Ngā Tangi o Te Tāone hei āwhina i tō tamaiti ki te ako**

- **Ki te whakapiki i ōna pūkenga reo.** Whakarongo ki Ngā Tangi o Te Tāone me tō tamaiti, me te akiaki i a ia ki te tāai i te ingoa o ia tangi ka rangona. Whakanuia hoki te tamaiti i a ia e whakamātau ana i ēnei mahi.
- **Ki te whakapiki i ngā pūkenga whakarongo.** Hei rautaki whakapiki pūkenga whakarongo, whakamāramahia atu he aha te whakarongo, ka āta akiaki i te tamaiti kia aro ki te tangi ka whai ake.
- **Titiro, whakarongo.** Āpitihia atu ngā pūkenga whakarongo mā te whakamahi i te mahere me ngā pikitia o te puka. Tohua ngā pikitia ki te rongo koe i te tangi. (Tōia iho ētahi atu pikitia i te pae tukutuku, i eardrops.co.nz)
- **Tākaro, whakarongo.** Mā te tākaro ka ako! Penapenatia te hinengaro auaha o tō tamaiti mā te kōrero me te whakaari i ngā tangi i a kōrua e whakarongo ana. He reka ki te tamariki te mahi pohewa auaha, ka mutu ka ngahau kē atu ki te mahi hoki te pakeke!
- **Whakapiki pūkenga whakawhitiwhiti korero.** E rua tekau mā whitu ngā tangi rerekē i Ngā Tangi o Te Tāone. Whakamahia ēnei tangi ki te whakakōrero i a kōrua - kōrerotia ngā mīhini, ngā kararehe me ngā kaupapa o ngā kōrero. Kia kaha te kata tahi, kia kaha te whakarongo tahi!
- **Tōaitia ngā kōrero.** He maha ngā wā me rongo, me kite rānei e te tamaiti tētahi tangi, tētahi kupu, tētahi whakaaro, kia mōhio pai ai ia ki taua mea rā. Kia kaha te whakatangi i te pakiwaitara. He roa te ara ako reo, ā, me WWkaha te haratau a ngā tāngata ka ako mā te whakarongo.
- **Ko te mea nui kia ngahau te karawhiu!**

Raranga - te toi rongonui raranga i te harakeke, he tohu whakakotahitanga, he tohu whānau hoki - te raranga i ngā tamariki ki roto i te whānau, te raranga i te whānau ki roto i te hapori. I rarangatia te pakiwaitara nei me te whakaute nui ki te reo Māori me te aroha nui ki ā tātou tamariki - ā tātou kuru pounamu, te anamata.

E toro ki te pae tukutuku o [eardrops.co.nz](http://eardrops.co.nz) mō ētahi rauemi reo, rauemi whakarongo, me ētahi anō kōrero mō ngā hīkoitanga a Eardrop. **He whakatūtaki i ngā taringa o ngā tamariki ki te ao!**

